

## **Ой, то там на гори дубина**

Музика и слова: народни  
Обробка: Ириной Тимко

Ой, то там на гори дубина,  
невесточка мацер спомина:  
„Ой, мамочко моя,  
ледво ножки стоя,  
з работи, клопоти.”

„Невесточко млада, цо думаш?  
Цо же ши так цихо, не шпиваш?  
Ша, док ши дзивчела  
шпивац ши любела  
и днями, ноцами.”

„Най шпиваю дзивки, дзивочки,  
бо кед буду вони женочки,  
та им пре турботи,  
та им пре работи,  
шпиване престане.”